

### 33 - Quandu la Madonnuzza jiu mu lava

Testo e melodia registrati a Tropea (CZ) nel dicembre 1979 dalla viva voce di Maria Teresa Grimaldi (22 anni) e Rina Sciuto (19 anni).

Andante

Quandu la Ma- don- nuz - za ji- u mu  
la - va li panniz- ze- - i  
di no- stru Si- gnu- ri.

1.

Quandu la Madonnuzza jiu mu lava  
li pannizzei di nostru Signuri,

2.

a chija petriceja chi stricava  
nescianu janchi tutti nu cuttuni;

3.

a chija sipaleja chi l'amprava  
nescianu rosi di milli culuri.

4.

Quandu la Madonnuzza lu 'mpasciava,  
sira e matina sant'Anna 'nci jia;

5.

e pe mu vidi comu lu 'mpasciava,  
ca j'era piccirija e non sapia.

6.

Comu lu'mpasciava, lu joculiava,  
ogni tri boti lu benedicia.

7.

Quand'era randiceju, lu mandava:  
"Vatindi a to' patri, anima mia!"

8.

E san Giuseppi appena l'abbistava:  
"Bonu venutu, Figghju di Maria!"

9.

E san Giuseppi tavuli serrava,  
iju li morziceja si cogghja.

10.

E san Giuseppi ca 'nci dimandava:  
"Tu, chissi chi li voi, gioiuzza mia?"

11.

E iju rispundi cu 'na vuci cara:  
"Cca subba ha di spirari l'arma mia!"

Cfr. i nn. 30 (Cropani -CZ), 32 (Laureana di Borrelo -RC) e la raccolta di R. Lombardi Satriani al n. 2942 (S. Costantino di Briatico -CZ).